



風陵文庫
文庫19
F237



破邪論集序

唐

虞

秘

書

製

若夫神妙無方。非籌算能測。至理凝邈。豈繩準所知。實乃常道無言。有崖斯絕。安可憑諸天縱。窺其窅冥者乎。至於五門六度之源。半字一乘之教。九流百氏之目。三洞四檢之文。苟可以經緯闡其圖。詎可以心力到其境者。英猷茂實。代有之焉。法琳法師者。俗姓陳。潁川人。晉司空羣之後也。自梁及陳。世傳纓冕。爰祖及伯。累業儒宗。法師少學三論。名聞朝野。長該眾典。聲振殊俗。威儀肅穆。分節淹通。留連清翰。發摛微

隱比地方春藏用顯仁之量如愚若訥外闇內明之功固能智周測海道亞彌天豈止操類山濤神侔庾亮而已爾其文情乃典而不野麗而有則猶八音之並奏等五色以相宣道行則納正見於三空採羣迷於八苦既學博而心下亦守卑而調高實釋種之梁棟蓋人倫之羽儀者矣加以賑乏扶危先人後已重風光之拂照林牖愛山水之負帶煙霞願力是融晦迹肥遯以隋開皇之末隱於青溪山之鬼谷洞焉迴揜巖崖則蔽虧日月空飛戶牖則吐納風雲其間採五芝而偃仰遊八禪而寢息餌松朮於溪澗披薜荔

於山阿皆合掌歸依摩頂問道經行恬靜十有餘年然其疊嶂危岑長松巨壑野老之所棲盤古賢之所遊踐莫不身至目覩攀穴指歸仍撰青溪山記一卷見行於世太史令傅奕學業庸淺識慮非長乃穿鑿短篇憑陵正覺將恐震茲布鼓竊比雷門中庸之人頗成阻惑法師愍彼後昆又撰破邪論二卷雖知虞衛同奏表異者九成蠅驥並馳見奇者千里終須朱紫各色清濁分流訶以凡測聖之豐責以俗校真之咎引文證理非道則儒典致深情指的周密莫不轍亂旗靡瓦解冰銷入室有操矛之圖厥角無容頭之

地於是傳寫不窮。流布長世。若披雲而見日。同迷縱
而得道。法師著述之性。速而且理。凡厥勒成。多所遺
逸。今散採所得。詩賦碑誌。讚頌箴誡。記傳啟論。及三
教系譜。釋老宗源等。合成三十卷。法師與余情敦淡
水。義等金蘭。雖服制異宜。風期是篤。輒以藤綆。聯彼
珪璋。編爲次第。其詞云爾。

上殿下破邪論啟

法琳啟。緬尋三元五運之肇。天皇人帝之興。龜圖鳥
策之文。金版玉笥之典。六衡九光之度。百家萬卷之
書。莫不導人倫信義之風。述勛華周孔之教。統其要

也。未達生死之源。陳其理也。不出有無之域。豈若五
分法身。三明種智。湛然常樂。何變何遷。邈矣真如。非
生非滅。而能道資萬有。慈被百靈。啟解脫彼岸之津。
開究竟無爲之府。拔羣生於見海之外。救諸子於火
宅之中。但化隔葱河。干有餘載。教流漢土。六百許年。
龕塔相望。神人接踵。所以道安登秦帝之輦。僧會上
吳主之車。高座法師。能陳八正。浮圖和尚。巧說五乘。
化洽九州。福霑三世。其爲利物。此之謂歟。有隋褫運。
駮馬生郊。災起四兇。毒流百姓。慧燈旣隱。法雨將收。
賴我大唐。上應乾心。下協黎庶。補天以麗三象。紐地

以安五嶽。生民蒙再造之恩。釋門荷中興之賜。方欣六茲五帝。四彼三皇。反淳朴之風。行無爲之化。竊見傳弈所上。誹毀之事。在司旣不施行。弈乃公然。遠近流布。人間酒席。競爲戲談。有累清風。實穢華俗。長物邪見。損國福田。理不可也。伏惟殿下。往藉三多久資。十善赴蒼生之望。膺大寶之期。道叶隆平。德光副后。發洊雷之響。則蟄戶俱開。啟明離之暉。則幽衢並鏡。赫矣允矣。難得名矣。固以漢光重世。周卜永年。復能降意福門。迴情勝境。津梁在念。墻壑爲心。伏願折邪見。幢然正法炬。像化被寄。深幸茲乎。不任憤懣。怒焉。

之志。謹土破邪論一卷。塵黷威嚴。伏增悚息。謹啟
武德五年正月二十七日上

臣何得有難。曰：常六。父母有痾，則終身以側侍。豈非

曾參閔子之友。庠序成林，墨翟耿恭之儔。相來羽翼。

彈曰：二十九代止。一曾參。漢高已前，獨推閔子成林之言。無實羽翼之奏。本虛事太過矣。乃有守

道合德，無欲無求。彈曰：州吁叔段不能守道。寵辱若

驚，職參朝伍。彈曰：潘崇羿澆未肯若。荆山鼎上，攀附

昇龍。緱氏壇邊，相從駕鶴。瑤池王母之使，具禮來朝。

碧海無夷之神，周行謁帝。所以然者，當此之時，共遵

李孔之教。彈曰：黃帝昇龍，蓋是三皇之世。瑤池王母

無名之日，不應反。周穆之時，計此李老未出之前。孔丘

漢明夜寢，金人入夢。傅毅對詔，辯曰：胡神不來。傅毅

豈知有佛。量已先來，有佛是傅氏得知。先。後漢中原

祖言佛。汝反稱無五逆重殃，自貽永劫也。彈曰：禮樂衣

未之有信。詞太過。魏晉夷虜信者一分。冠。晉朝始備

汝既誘言夷。符融託佛齋而起逆，逃竄江東。呂光假

征胡而叛君，時立西土。彈曰：時人嫉融，謗云：結聚呂

霸在涼州，亦不降。斯已後，妖胡滋盛，大半雜華。箴曰：

由僧叛居西土，降斯已後，妖胡滋盛，大半雜華。慈悲

有緣得度，正在於斯。縉紳門裏，翻受禿丁邪戒。儒士

學中，倒說妖胡浪語。箴曰：縉紳遵忍辱之，曲頰哇歌

聽之喪本，臭同鮑肆。過者失香，鮑臭聽之必知。喪本

過者甯不失香，仰面唾。兼復廣置伽藍，壯麗非一日。箴

天自受其辱，斯言信矣。勞役工匠，獨坐泥胡。箴曰：爭運身，撞

造生天之業，種。勞役工匠，獨坐泥胡。箴曰：爭運身，撞

脫苦趣之因。勞役工匠，獨坐泥胡。箴曰：爭運身，撞

華夏之鴻鐘集蕃僧之偽眾箴曰鳴百練之神鐘召三千之聖眾動淳

民之耳目索營私之貨賄箴曰感信心之耳目廢貪嫉之貨賄女工羅

綺剪作淫祀之旛巧匠金銀散雕舍利之塚箴曰女工羅綺

造續命之旛巧匠金銀起碎身之塔杭梁麵米橫設僧尼之會香油蠟

燭在照胡神之堂箴曰杭梁米麵爭陳福田之會香油蠟剝削

民財割截國貯朝廷貴臣曾不一悟良可痛哉彈曰朝廷

稽古捨俗歸真崇敬釋門不同邪見伏惟陛下定天門之開闔更新寶

位通萬物之述否再育黔黎布李老無為之風而民

自化執孔丘愛敬之禮而天下孝慈且佛之經教妄

說罪福箴曰原教所由示人斷惡之門開人十善之路軍民逃役剃髮隱中

不事二親專行十惡箴曰捨二親之恩愛修十善之仁風忍其小違以成大順歲

月不除奸偽逾甚臣閱覽書契爰自庖犧至於漢高

二十九代四百餘君但聞郊祀上帝彈曰員丘南郊

豈如佛戒不殺為先官吏民察未見寺堂銅像建社

甯邦請胡佛邪教退還天竺箴曰緣感則興事訖便息來往應物隱顯隨時

凡是沙門放歸桑梓令逃課之黨普樂輸租避役之

曹恆忻効力勿度小禿長揖國家彈曰昔嚴子陵不拜天子趙元叔長

揖司空典籍稱其美也況沙門是出世福田釋氏為物外高士欲令拜謁違損處深理不可也自足

忠臣宿衛宗廟則大唐廓定作造化之主百姓無事

為犧皇之民彈曰造化之世人不輸租犧皇之民鼓腹而卧聖門在上豈信崔浩姜斌之詞

者臣奕誠惶誠恐彈曰事君盡忠言而有信聞奏不實罪有所歸謹罔國家終須伏劍豈惶恐謹上益國利民事十有一條如左謹言彈曰如汝所奏損國害民事不可也

武德四年四月二十日上

上秦王論啟

沙門法琳等啟琳聞情切者其聲必哀理正者其言必直是以窮子念達其言勞人願歌其事何者竊見大業末年天下喪亂二儀騷躪四海沸騰波振塵飛丘焚原燎五馬絕浮江之路七重有平壘之歌烽燧時警羽檄競馳關塞多虞刁斗不息道消德亂運盡

數窮轉輸實繁頭會箕歛積屍如莽流血爲川人不聊生物亦勞止控告無所投訴其從百姓苦其倒懸萬國困其無主豈圖法輪絕絕管正欲凌夷聖上興弔俗之心順昊天之神爰舉義旗平一區宇當時道俗蒙賴華戎胥悅於是叶天地而通八風測陰陽而調四序和邦國敘人倫功蓋補天神佇立極降雲雨而生育開日月而照臨發之以聲明紀之以文物恩霑行葦施洽蟲魚方欲重述九疇再敷五教興石渠之學布庠序之風遠効軒儀近同文景功業永隆不知手之舞之足之蹈之者矣竊見傳弈所上之事披覽

未遍五內分崩。尋讀始周六情破裂。嗚呼。邪言惑正。魔辯逼真。猶不足聞。諸下愚。況欲上千天聽。但奔職居時要。物望所知。何容不近人情。無辜起惡。然其文言淺陋。事理不詳。辱先王之典謨。傷人倫之風範。何者。夫人有言。言必有中。夫子曰。一言合理。則天下歸之。一事乖常。則妻子背叛。觀奔所上之事。括其大都。窮其始末。乃罔冒闕廷。處多毀辱。聖人甚切。如奔此意。本欲因茲自媒。苟求進達。實未能益國利民。意是惑弄朝野。然陛下應天順時。握圖授籙。赴萬國之心。當一人之慶。扶危救世之力。夷兇靜難之功。固以威

蓋前王聲高往帝。爰復存心三寶。留意福田。預是出家之人。莫不感戴天澤。但由僧等不能遵奉戒行。酬報國恩。無識之徒。非違造罪。致令傳奔陳此惡言。擗踊痛心。投骸無地。然僧尼有罪。甘受極刑。恨奔輕辱。聖人言詞切害。深恐邪見之者。因此行非。按春秋云。魯莊公七年夏四月。恆星不現。夜明如日。卽佛生時之瑞應也。然佛有真應二身。權實兩智。三明八解。五眼六通。神力不可思議。法號心行處滅。其道也。運眾聖於泥洹。其力也。接下凡於苦海。自後漢明帝永平三年。夢見金人已來。像教東流。靈瑞非一。具在漢魏

諸史姚石等書。至如道安道昱之輩。圖澄羅什之流。並有高行深解。當世名僧。盡被君王識知。貴勝崇重。自五百餘年已來。寺塔遍於九州。僧尼溢於三輔。並由時君敬信。朝野歸心。像教興行於今不絕者。實荷人王之力也。世間君臣父子。猶謂恩澤難酬。昊天莫報。況佛是眾生出世慈父。又爲凡聖良醫。欲抑而挫之。罪而辱之。理不可得也。仰尋如來智出有無。豈三皇能測。力包造化。非二儀可方。昔商太宰誥問孔丘曰。夫子聖人歟。孔子對曰。丘博識強記。非聖人也。又問。三王聖人歟。對曰。三王善用智勇。聖非丘所知。

問。五帝聖人歟。對曰。五帝善用仁信。聖亦非丘所知。又問。三皇聖人歟。對曰。三皇善用時。聖亦非丘所知。太宰大駭曰。然則孰爲聖人乎。夫子動容有對曰。西方之人有聖者焉。不治而不亂。不言而自信。不化而自行。蕩蕩乎。民無能名焉。若三王五帝。必是大聖。孔丘豈容隱而不說。便有匿聖之憊。以此校量。推佛爲大聖也。老子西昇經云。吾師化遊天竺。善入泥洹。符子云。老氏之師。名釋迦文。直就孔老經書師敬佛處。文證不少。豈奔一人所能誇讟。昔公孫龍著堅白論。罪。王非五帝。至今讀之。人猶切齒。已爲前智不鑑。

良可悲矣。主上至聖欽明，方欲放馬休牛，軾閭封墓，興皇王之風，開釋老之化。狂簡之說，尤可焚之。若言帝王無佛，則大治年長，有佛則政祚促者。按堯舜獨治不及子孫，夏殷周秦，王政數改。蕭牆起逆亂，相尋爾時無佛，何因運短。但琳預居堯世，日用莫知在外，見不便事，恐蕃國遠聞，謂華夏無識。夫子曰：言滿天下無口過，行滿天下無怨惡。言之者欲使無罪，聞之者足以自誠。傅弈出言不遜，聞者悉驚，有穢國風，特損華俗。謹錄丹款，冒以啟聞。伏惟大王殿下，天挺英靈，自然岐嶷，風神穎越，器局含弘，好善爲樂，邁

彼東平，溫易是歡。更方西楚，加以阿衡，百揆式序，六條德旣，裴羅仁兼，裂網開康，莊之第坐，荀卿之賓，起脩竹之園，醜文雅之客，莫不詩極緣情，而賦窮體物，信可譽形，朝野美貫，前英者焉。但琳等內顧闕如，方圓寡用，念傅弈下愚之甚，媿凡僧禿丁之訶，惡之極也，罪莫大焉。自尊盧赫胥已來，天地開闢之後，未有如弈之狂悖也。不任斷骨痛心之至，謹錄弈害事，輒述鄙詞，件答如左。塵黷威嚴，伏增殞絕。謹啟。

武德四年九月十二日濟法寺沙門釋法琳啟

弈云海內勤王者少，樂私者多。乃外事胡佛，內生邪

見剪剃髮膚。迴換衣服。出臣子之門。入僧尼之戶。立謁王庭。坐看膝下。不忠不孝。聚結連房。且佛在西域。言妖路遠。捨親逐財。畏壯慢老。重富強而輕貧弱。愛少美而賤耆年。以幻惑而作藝能。以矯誑而爲宗旨。然佛爲一姓之家鬼也。作鬼不兼他族。豈可催驅生漢。供給死胡。賤此明珠。貴彼魚目。違離嚴父。而敬他人。何有跪十箇泥胡。而爲卿相。置一盆殘飯。得作帝王。據佛邪說。不近人情。且佛滑稽大言。不及旃孟。奢侈造作。罪深桀紂。人家破家。入國破國者。對曰。夫出家者。內辭親愛。外捨官榮。志求無上菩提。

願出生死苦海。所以棄朝宗之服。披福田之衣。行道以報四恩。立德以資三有。此其之大意也。若言佛爲胡鬼。僧是禿丁者。按孔老經書。漢魏已來。內外史籍。略引孔老師敬佛處。文證如左。以答邪人。冀其伏罪。○道士法輪經言。若見沙門。思念無量。願早出身。以習佛真。又云。若見佛圖。思念無量。當願一切普入法門。○太上清淨消魔寶真安志智慧本願本戒上品經。四十九願云。若見沙門。當願一切明解法度。得道如佛。○老子昇玄經云。天尊告道陵。使往東方。詣佛受法。道士張陵別傳云。陵在鵠鳴山中。供養金像。轉

讀佛經。○昇玄經又云。東方如來遣善勝大士。詣太
上曰。如來聞子為張陵說法。故遣我來看子語。張陵
曰。卿隨我往詣佛所。當令子得見所未見。聞所未聞。
陵即禮大士。隨往佛所。○老子西昇經云。吾師化遊
天竺。善入泥洹。智慧觀身。大戒經云。道學當念極大
梵流影宮禮佛。○昇玄經云。若有沙門。欲求聽經觀
齋。供主不得計飲食費。過截不聽。當推置上座。道士
經師自在其下。○昇玄經又云。道士設齋供。若比丘
來者。可推為上座。好設供養。道士經師自在其下。若
沙門尼來聽法者。當穩處安置。推為上座。供主如法

供養。不得遮止。○化胡經云。願採優曇花。願燒栴檀
香。供養千佛身。稽首禮定光。○又云。我生何以晚。泥
洹一何早。不見釋迦文。心中常懊惱。○靈寶消魔安
志經云。道以齋為先。勤行當作佛。新本並改云。勤行登金闕。故設
大法橋。普度諸人物。○老子大權菩薩經云。老子是
迦葉菩薩。化遊震旦。○靈寶法輪經云。葛仙公生始
數日。有外國沙門。見仙公禮拜抱持。而語仙公父母
曰。此兒是西方善思菩薩。今來漢地。教化眾生。當遊
仙道。白日昇天。仙公自語弟子云。吾師姓波閱。宗字
維那訶。西域人也。仙人請問眾聖難經云。葛仙公告

弟子曰。吾昔與釋道徵竺法開張太鄭思遠等四人同發願。道徵法開二人願爲沙門。張太鄭思遠願爲道士。○仙公起居注云。于時生在葛尚書家。尚書年逾八十。始有此一子。時有沙門。自稱天竺僧。於市大買香。市人怪問。僧曰。我昨夜夢見善思菩薩下生葛尚書家。吾將此香浴之。到生時。僧至燒香。右遶七市禮拜恭敬。沐浴而止。仙公請問上經云。與沙門道士言。則志於道。○上品大戒經。校量功德品云。施佛塔廟。得千倍報。布施沙門。得百倍報。○昇玄內教經云。或復有人。平常之時。不肯作福。見沙門道士說法勸

善了無從意。

云

云

○道士陶隱居禮佛文一卷。○智

慧本願本戒上品經曰。施散佛僧中食塔寺一錢已上。皆二萬四千倍報。功多報多。世世賢明玩好不絕。七祖皆得入無量佛國。○仙公請問經云。復有凡人。行是功德。願爲沙門道士。太博至經云。後生便爲沙門。大學佛法。爲眾法師。復有一人。見沙門道士齋靜讀經。乃笑之曰。彼向空吟經。欲何希耶。虛腹日中一食。此罪人耳。道士乃慈心喻之。故執意不釋。死入地獄。考毒五苦。○仙公請問經云。高上老子曰。善古之時。人民純朴。各懷道德。虛心玄寂。無爲無事。此風既

散百競煙起。萬流分析。奸功互改。愚智相凌。鬼神執威。眾聖並出。製作教化。唯令民修善自守。是以有五經。儒俗之業。道佛各歎。其教大歸善也。○太上靈寶真一勸誡法輪妙經云。吾歷觀諸大。從無數劫來。見道士百姓男子女人。已得無上正真之道。高仙其人。自然十方佛。皆受前世勤苦。求道不可稱計。○法輪妙經云。道言夫轉輪不滅。得還生人中。大智慧明達者。從無數劫來。學已成真人。高仙自然十方佛者。莫不從行業所致也。

右錄道經師敬佛文如前

按周書異記云。周昭王卽位三十四年。甲寅歲四月八日。江河泉池。忽然泛漲。井水並皆溢出。宮殿人舍。山川大地。咸悉震動。其夜五色光氣。入貫太微。遍於西方。盡作青紅色。周昭王問太史蘇由曰。是何祥也。由對曰。有大聖人生於西方。故現此瑞。昭王曰。於天下何如。由曰。卽時無他。一千年外。聲教被及此土。昭王卽遣鑄石記之。埋在南郊天祠前。當此之時。佛初生王宮也。穆王卽位三十二年。見西方數有光氣。先聞蘇由所記。知西方有聖人處世。穆王不達其理。恐非周道所宜。卽與相國呂侯入西。會諸侯於塗山。以

禳光變。當此之時。佛久已處世。至穆王五十二年壬申歲二月十五日平日。暴風忽起。發損人舍。傷折樹木。山川大地。皆悉震動。午後天陰雲黑。西方有白虹。十二道。南北通過。連夜不滅。穆王問太史扈多曰。是何徵也。對曰。西方有大聖人滅度。衰相現耳。穆王大悅曰。朕常懼於彼。今已滅度。朕復何憂。當此之時。佛入涅槃。史錄曰。吳太宰嚭問於孔子曰。孰爲聖人乎。孔子曰。西方之人有聖者焉。不治而不亂。不言而自信。不化而自行。蕩蕩乎。民無能名焉。益出宮觀人會

右錄孔書稱歎佛文如前十四乎甲寅歲四月

對曰。書云。見善如不及。見惡如探湯。然太上貴德。其次立言。德欲使人歸。言欲使人信。汝無德庇身。出言損他。輕侮大聖。豈爲人乎。但孔老聖人。尙自稱揚佛法。令道士等敬讓僧尼。汝旣稟承孔老爲師。何以違背師教。誹毀聖尊。符子曰。老氏之師。名釋迦文。○子書牟子二卷。盛論佛法。○內典天地經曰。佛遣三聖。化彼東土。迦葉菩薩。彼稱老子。清淨法行經云。佛遣三弟子。震旦教化。儒童菩薩。彼稱孔丘。光淨菩薩。彼云顏回。摩訶迦葉。彼稱老子。○按前漢孝武帝元狩中。霍去病討匈奴。至皋蘭。過居延山。獲毘耶休屠王

等將其眾五萬來降。獲其金人，率長丈餘，列之於甘泉宮。漢帝以爲大福，燒香禮拜。及開西域，遣張騫使大夏，還云有身毒國。身毒國一名天竺。始聞浮圖之教。魏書云：漢武得金人，不祭祀，但燒香禮拜而已。得佛教，流通之，斬也。漢哀帝元壽元年，使景憲往大月氏國，因誦浮圖經還漢。當時稍行浮圖齋戒。○至章帝時，楚王英喜爲浮圖齋戒，奉黃縑白紬三十疋以贖愆，詔報楚王。尙浮圖之仁祠齋潔。三月，與神爲誓信也。○桓帝時，襄楷言：「佛陀黃老以課主上，欲令好生惡殺，少嗜欲，尙無爲。」○後漢書：孝明帝永平三年，上夢金人，項有日月光，飛行殿前。

顧問羣臣。通事舍人傅毅對曰：「臣聞西域有神，其名曰佛。陛下所見得無是乎？」帝遣郎中蔡愔、博士弟子秦景等使於天竺，而圖其形像。愔乃與沙門迦攝摩騰、竺法蘭東還洛陽。中國有沙門自此始也。○後漢郊祀志曰：「佛者，漢言覺。將以覺悟羣生也。統其教以修善慈心爲主，不殺生，類專務清淨。其精進者爲沙門。漢言息心，剔髮去家，絕情洗欲，而歸於無爲也。又以人死，精神不滅，隨復受形。所行善惡，後生皆有報應。所貴行善修道，以練其精神，練而不已，以至無生而得爲佛也。身長丈六尺，黃金色，項中佩日月光，變

化無常。無所不入。故能化通萬物。而大濟羣生也。有經書數千卷。以虛無爲宗。包羅精麤。無所不統。善爲宏闊。勝大之言。所求在一體之內。所明在視聽之外。歸於玄微深遠。難得而測。故王公大人。觀生死報應之際。莫不懔然自失也。○魏書云。蔡愔得佛經四十二章。及釋迦立像。明帝令畫工圖寫像形。置於清涼臺。及顯節陵上。經文緘於蘭臺石室。惜之還也。以白馬負經。而至漢。因立白馬寺。於洛陽雍門西。其經旨大抵言生生之類。皆因行業而起。有過去當今未來三世也。其修道階次。心行等。非一。皆緣淺以至深。藉

微以爲著。率在於積仁順蠲嗜欲。習虛靜而成通照也。其始修心。則依佛法僧受三歸也。三歸如君子之三畏。又有五戒。斷殺盜婬妄語飲酒。大意與仁義禮智信同。云奉持之。則生人天勝處。離鬼畜諸苦。言善惡之處。凡有六道。在其防心正身口。斷妄語。總謂之十善道也。能具此者。近獲大報。遠得菩提。四月八日夜。從母右脇而生。當周昭魯莊之世。姿容超異者。三十二種。大人之相。天降嘉瑞以應之。亦三十二。佛既去世。弟子等以香木焚身。靈骨分碎。大小如粟粒。其色紅白。擊之不壞。焚之不焦。每有光明神驗。滅後百

年有阿育王。以神力分佛舍利。役諸鬼神。造八萬四千寶塔。今洛陽彭城。扶風蜀郡。姑臧臨淄等。皆有塔焉。並有神異。○漢法本內傳云。明帝遣郎中蔡愔。中郎將秦景。博士王遵等十八人。至天竺國。得迦攝摩騰等。將釋迦像是。優填王第四師所造。還。明帝問摩騰曰。法王出世。何以化不及此。摩騰對曰。迦毗羅衛國者。三千大千世界。百億日月之中心。三世諸佛。皆從彼生。不問天龍鬼神。有願行力者。皆生於彼。受佛正化。咸得悟道。餘處眾生。無緣感佛。佛不往也。佛雖不往。光明及處。或五百年。或一千年。或一千年外。皆

1. 作漢頭宗開佛化法本內
傳未詳作者原注

2. 互作自

3. 至尊作天子

4. 我等表曰作今日
朝集可以表抗之
思曰

5. 道士二字世

6. 虛世自然自然之文

作虛世自然大道出於
造化之前

7. 過作高

8. 光澤臣等十字無

9. 臣等事者七字作
所事二字

10. 者字無

有聖人。傳佛聲教。而教化之。漢法本內傳曰。明帝永平十四年正月一日。五岳諸山道士朝正之次。互相命曰。至尊棄我道法。遠求胡教。我等今日朝次。各將太上天尊所制經書。盡已之所能。共上一表曰。五岳十八山。觀太山三洞弟子。道士褚善信等六百九十人。死罪上言。臣聞太上無形無名無極無上。虛無自然。大道元首。自從造化。道教從生。無為之尊。自然之父。上古同遵。百王不易。今陛下道邁羲皇。德過堯舜。光澤四海。八表歸仁。臣等竊承陛下棄本逐末。求教西域。臣觀西域所事者。既是胡神。所說者。不參華夏。

11 復請胡人 知不依信
一段三十一字

12 五岳二字每

13 聰明智慧 作極視遠

14 驗

14 經行作辟錄

15 若能曉了四字每

16 並皆 解氣十字

作 無不綜練達其涯

極

17 至以四句有字均每

19 於地作不測

20 方藥法術 比較十九

字作 方術無所不能

願得與其比較

21 上作 驗

22 若目比對作如其

23 詐作妄 24 入作人

25 曰此作以今

復請胡人令翻其語託同似漢臣等思忖陛下雖翻
得此語恐非大道如不依信願陛下恕臣等罪聽與
驗試臣等五岳諸山道士多有聰明智慧博通經典
從元皇已來太上經行悉能曉了太虛符呪並皆明
達或有吞符餌氣或有策使鬼神或有入火不燒或
有履水不溺或有白日昇天或有隱形於地至於方
藥法術無有不能者願陛下許臣等得與比較一則
聖上意安二則得辯真偽三則大道有歸四則不亂
華俗臣等若比對不如任上重決若臣比對有勝乞
除虛詐勅遣尚書令宋庠引入長樂宮曰此月十五

漢術術公早作中日人怎
口種作稱

慧通作夏通

日大集白馬寺南門外道士等共置三壇壇別開二
十四門南岳道士褚善信等七十人將靈寶真文太
上玉訣崆峒靈章昇玄步虛太上左仙人請問自然
五種諸天內音等經合一百三卷○華岳道士劉正
念等七十人將智慧定志智慧上品戒仙人請問本
行因緣明真科等六十二卷○恆岳道士桓文度等
七十人將本業上品法科罪福明真科齋儀太上洞
玄真文合八十卷岱岳道士焦得心等七十人將諸
天靈書度命九天神章太上太極太虛自然滅度五
練生屍度自然券儀合八十五卷○嵩岳道士呂慧

漢書

宮山一作茅

合八山作十八山

通等一百四人將太上安志上品三元品戒太極左
仙公神仙本起內傳服御五牙立成朝夕朝禮儀合
九十五卷。○霍山天目山五臺山白鹿山宮山合八
山諸山觀道士祁文信等二百七十人將太極真人
敷靈寶文太上洞玄靈寶天文五符經步虛文神仙
藥法屍解品上天符錄勅禁合八十四卷。都有四百
六十九卷。置之西壇。茅成子許成子列子黃子老子
莊子慧子合二十七家諸子經書總有二百四十五
卷。置之中壇。饌食奠祀百靈置之東壇。明帝設七寶
行殿在白馬寺南門外道西。置佛舍利及經像。十五

太上無極大道作太極
大道元始天尊

反作煨

先時均作符敎

先善禁呪作禁效鬼
神

褚信作善信
今作

日齋訖。道士等卽以柴荻和梅檀沉水香積遶西壇
經教。上啼泣啟告曰。臣等上啟。太上無極大道。眾仙
百靈。今胡神亂夏。人主信邪。正教失蹤。玄風墜緒。臣
等敢以置經壇上。以火取驗。欲開曉未聞。以辯真偽。
伏願無極玄老太帝三皇。今謹依三五步罡之術。燒
經爲驗。便放火燒經。經從火化。悉成灰燼。道士等見
火焚經。心大驚怖。先時昇天者。不復能昇。先時隱形
者。不復能隱。先時入火者。不復能入。先善禁呪者。呼
策不應。先有種種功能者。無一可驗。諸道士等大生
慚愧。爾時太傅張衍語褚信曰。卿今所試無驗。卽是

虛妄宜就西域真法。褚信不答。南岳道士費叔才自憾而死。時佛舍利光明五色。直上空中。旋環如蓋。遍覆大眾。映蔽日輪。摩騰法蘭。先得阿羅漢果。以慈善力。踊身高飛。行卧空中。神化自在。還坐本處。怡然而住。于時天雨寶花。在於佛殿。及眾僧上。又聞天中諸樂之音。感動人情。大眾歡悅。歎未曾有。法蘭法師即說偈曰。言。觀。出。以。大。如。總。始。開。變。未。問。起。轉。其。狐非師子類。頂上燈非日月明。燈失池無巨海納。丘無嵩岳榮。與合法雲垂世界。太土善種得開萌。顯通希有法。若相處處化羣生。野水香齋散西寶。

蘭法師

劉善俊作劉俊

於時大眾圍遶蘭師數百餘重。法師復出梵音歎佛功德。亦令大眾稱揚三寶讚述善法。或說人天地獄因緣。或說小乘阿毗曇。或說大乘摩訶衍。或說懺悔滅罪。或說出家功德。時司空陽城侯劉善峻官人民庶及婦女等發心出家。四岳諸山道士呂慧通等六百二十人出家。五品已上九十三人出家。九品已上鎮遠將軍姜苟兒等一百七十五人出家。京都治民張子尚等三百七十七人出家。明帝後宮陰夫人王婕妤等一百九十九人出家。京都治民婦女阿潘等一百二十一人出家。十六日帝共大臣文武數百人與出

一九〇作二二〇

家者剃髮。日日設供。夜夜燃燈。作種種妓樂。比至三十日。法衣瓶鉢。悉皆施訖。即立十寺。城外七寺。城內三寺。七寺安僧。三寺安尼。漢之佛法。從此興焉。

漢法本內傳凡有五卷

第一卷明帝得夢求法品

第二卷請法師立寺功德品

第三卷與諸道士比校度脫品

第四卷明帝大臣等稱揚品

第五卷廣通流布品

按玄通記云。漢桓帝建和三年己丑之歲。有沙門安

並謂有人疑此傳

(漢法本內傳)近出

本無角力之事案

吳言明貴叔才感

死故傳為寶錄矣

亭按上均依四部叢刊

本廣弘明集卷二頁三

漢顯宗開佛化法本內

傳各條註

此文並佛道論衡卷一

陳論衡附廣弘明集卷

四

靜。是安息國王之太子。捨國出家。意存遊化。至洛陽譯出眾經。○魏書云。文帝黃初三年壬寅之歲。有沙門曇摩迦羅。至許都譯出戒律。○漢侍中傅毅異記云。周昭王二十七年丁巳歲。佛生耶。吳書云。吳主孫權赤烏四年辛酉之歲。有沙門康僧會。是康居國大丞相之長子。初達吳地。營立茅茨。設像行道。吳人初見。謂是妖異。有司奏聞。吳主問曰。佛有何神驗也。僧會答曰。佛晦靈迹。出餘千載。遺身舍利。應現無方。吳主曰。若得舍利。當為起塔。經三七日。遂獲舍利。五色曜天。剖之逾堅。燒之不然。光明出火。作大蓮華。照曜

初言卷一
五
宮殿。吳主歎異。信心乃發。因造建初寺。度人出家。吳主問尚書令都卿侯闕澤曰。漢明已來。凡有幾年。闕澤對曰。從永平十年。至今赤烏四年。合一百七十年。吳主曰。佛教入漢既久。何緣始至江東。闕澤對曰。永平十四年。五岳道士與摩騰。捩力之時。道士不如南岳。褚善信。費叔才等。在會自憾而死。門徒弟子歸葬南岳。不預出家。無人流布。後遭漢政。凌遲兵戎不息。經今多載。始得興行。吳主曰。孔丘老子得與佛比。對以不。闕澤曰。臣尋魯孔丘者。英才誕秀。聖德不羣。世號素王。制作經典。訓獎周道教化。來葉師儒之風。澤

潤今古。亦有逸民。如許成子。呂成子。原陽子。老子。莊子等。百家子書。皆修身自翫。放暢山谷。縱大其心。學歸淡泊。事乖人倫。長幼之節。亦非安世化民之風。至漢景帝。以黃子老子義體尤深。改子爲經。始立道學。勅令朝野。悉諷誦焉。若將孔老二家。遠方佛法。遠則遠矣。所以然者。孔老設教。法天制用。不敢違天。諸佛設教。天法奉行。不敢違佛。以此言之。實非對明矣。吳主大喜。用澤爲太子太傅。○魏明帝曾欲壞宮西浮圖。外國沙門。乃金盤盛水。置於殿前。以舍利投水。仍有五色光起。帝加歎異。乃於道東作周閭百間。以爲

精舍。元魏太祖天興元年。下詔曰。夫佛法之興。其來遠矣。濟益之功。冥及存沒。神蹤遺軌。信可依憑。有勅於京邑。建飾容範。修整宮舍。令信向之徒。有所居止。是歲始作五級佛圖。耆闍崛山。及須彌山殿。加以飾績。別構講堂禪室。及沙門坐處。莫不具焉。檢史籍。通儒並稱佛法。盡美也。盡善也。邪見何緣。自招逆罪。魏世祖卽位。亦遵太祖太宗之業。每引高德沙門。與其談論。於四月八日。輿諸佛像。行於廣衢。帝親御門樓。散花禮敬。沙門慧始。甚有神異。赫連昌破長安。慧始身被白刃。而體不傷。五十餘年。未嘗寢卧。跣行泥塗。

初不污足。色逾鮮白。世號之白足阿練。時主敬重。大興佛法。死十餘年。儼然不變。○魏太武時。崔浩爲司徒。不信佛。每與帝言。恆加誹毀。因蓋吳作亂。關中。浩便進說。遂除佛法。道士天師寇謙之。苦與浩諍。浩不肯從。謙之謂曰。卿從今年受戮滅門矣。於後太武通身發瘡。痛苦難忍。羣臣議云。崔浩邪佞。毀除佛法。陛下所患。必由於斯。浩後果伏誅。備加五刑。豈非積不善之家。必受餘殃。然元魏君臨。凡一十七帝。一百七十九年。唯七八年中。佛法淪廢。自餘光顯。不可具陳。興光元年。於五級大寺。太祖已下五帝。鑄像五軀。各

長一丈六尺。用金二十五千斤。正光元年。歲次庚子七月。明帝加朝服大赦。二十三日。請僧尼道士女冠等。在前殿設齋。齋訖。帝遣侍中劉騰宣勅。請法師等與道士論議。以釋弟子疑網。爾時。清通觀道士姜斌與融覺寺法師曇謨最對論。帝問曰。佛與老子同時以不。姜斌對曰。老子西入化胡。佛時以充侍者。明是同時。法師問曰。何以得知。姜斌曰。按老子開天經。是以得知。法師問曰。老子當周何王幾年而生。周何王幾年西入。姜斌曰。當周定王卽位三年乙卯之歲。於楚國陳郡厲鄉曲仁里。九月十四日。夜子時生。當周

簡王卽位四年丁丑之歲。事周爲守藏吏。當周簡王卽位十三年景戌之歲。遷爲太史。當周敬王卽位元年庚辰之歲。年八十五。見周德凌遲。遂與散關。今尹喜西入化胡。此足明矣。法師報云。佛當周昭王二十四年四月八日生。穆王五十二年二月十五日滅度。計入涅槃。經三百四十五年。始到定王三年。老子方生。生巳年八十五。至敬王元年。凡經四百二十五年。始與尹喜西遁。此則年月懸殊不同。無乃謬乎。姜斌曰。若佛生當周昭王之時。出何文記。法師對曰。出周書異記。並漢法本內傳。並有明文。斌曰。孔子旣是制

法聖人。當時於佛迴無文記。法師對曰。仁者識同。管見闕覽不弘遠。按孔子有三備十經。謂天地人。佛之文言。出在中備。仁者善自披覽。足得開曉也。姜斌曰。孔子聖人。不言而知。何假卜乎。法師對曰。唯佛是眾聖之王。四生上首。達一切眾生前後二際。吉凶終始。不假卜觀。自餘聖人。雖曉未然之理。必藉著龜以通靈卦也。明帝卽遣侍中尙書。令元叉宣勅。語道士云。姜斌論無宗旨。宜下席。又問斌。開天經何處得來。是誰所說。卽遣中書侍郎魏收尙書郎祖瑩等。就觀取經。帝令羣臣議定。太尉丹陽王蕭綜。太傅李實。衛尉

卿許伯桃。吏部尙書刑巒。散騎常侍溫子昇等。一百七十人。讀訖奏云。老子只著五千文。更無言說。臣等所議。姜斌罪當惑眾。帝時加斌極刑。三藏法師菩提流支。諫免死。配徙馬邑。太和元年。於方山太祖營壘之處。建思遠寺。自興光之後。京內及四方諸寺。新舊有六千四百七十八所。僧尼十萬七千二百五十八人。又以鷹師造爲報德寺考。魏有天下。至於禪讓。佛經通流。大集中國。凡有四百一十五部。合一千九百一十九卷。略計僧尼二百萬人。寺有三萬餘所。自有佛法未之盛也。時世隆平。人民豐樂。僧徒甚眾。曾無

逆人。泊永嘉南遷迄於陳世三百許年。像教東興法
之盛也。出好名德利益倍多。光讚時君。頗有凶者。

破邪論卷上終

音釋

壘	切	捷	色	淫	烏	日	入	擿
軍	力	捷	齧	聲	爪	駢	尺	發
壁	軌	即	普	也	切	怒	切	也
也	切	好	鄙	貯	展	乃	切	豐
		婦	積	呂	切	歷	許	許
		官	也	切	殉	切	觀	觀
		名	切	闔	從	切	也	緬
		諸	切	胡	也	切	稱	遠
		績	切	淫	切	痾	也	切
		與	切	切	黔	烏	何	褫
		繪	切	切	黑	也	切	奪
		同	切	切	切	綏	也	爾
		闕	切	切	黥	古	切	切
		視	切	切	淡	侯	切	駭
		也	切	切	青	切	如	融
		著	切	切	黑	哇	馬	
		蒿	切	切				
		屬	切	切				

音釋
破邪論卷下
西域人唐沙門
釋法琳撰

破邪論卷下

西域人唐沙門釋法琳撰

奔云僧尼六十已下簡使作民則兵強人眾奔云寺
多僧眾損費為甚但是寺舍請給孤老貧民無宅義
士三萬戶州唯置一寺草堂土塔以安經像遣胡僧
二人傳示胡法奔云西域胡者惡泥而生便是泥瓦
今猶毛臊人面而獸心土梟道人驢騾四色貪逆之
惡種佛生西方非中國之正俗蓋妖魅之邪氣也奔
云庖犧已下二十九代父子君臣立忠立孝守道履
德生長神州得華夏正氣人皆淳朴以世無佛故也

奔云。秦起秦仲三十五世。六百三十八年。奔云。帝王無佛。則大治年長。有佛。則虐政祚短。自庖犧已下二十九代。而無佛法。君明臣忠。國祚長久。奔云。未有佛法前。人民淳朴。世無篡逆。奔云。佛來漢地。有損無益。入家破家。入國破國。奔云。趙建武時。有道人張光反。梁武時。僧光反。況今僧尼二十萬眾。早須廢省。奔云。自開闢已來。至今武德四年。辛酉。積二百七十六萬一千一百八載。父子君臣。立忠立孝。奔云。請胡佛邪教。退還西域。凡是僧尼。悉令歸俗。○一答。廢省僧尼事者。對曰。夫形迹易察。而真偽難明。自非久處。未可

知矣。昔遠法師答桓玄書云。經教所述。凡有三科。一者禪思入微。二者諷味遺典。三者興建福業。然有興福之人。不存禁戒。而迹非阿練者。或有多誦經文。諷詠不絕。而不能暢說義理者。或有年已宿長。雖無三科可紀。而體性真正。不犯大罪者。以此校量。取捨難辯。按出家功德經云。度一人出家。勝起寶塔。至于梵天。何者。人能弘道。自利利他。潔已立身。住持三寶。津梁七世。資益國家。諸有罪者。依法苦治。無過者。爲國行道。○一答。毀寺給民草堂安像者。對曰。法流漢地。五百餘年。寺舍僧尼。積代來有。龕塔堂殿。皆是先代

石牙言卷二
興營房宇門廊都由信心起造或爲存歿二親及經
生七世求將來勝報種見在福田咸出彼好心非佛
僧課造書云成功不毀故子產不毀伯夷之廟夫子
謂之仁人況佛爲三世良田四生父母唯可供養不
可毀除佛雖去世法付人王伏惟陛下再造生民重
興佛道卽是如來大檀越主請遵漢明永平之化近
同文帝開皇之時○一答西域胡者人面獸心貪逆
惡種佛生西方妖魅邪氣者對曰按史記曆帝王儉
目錄及陶隱居年紀等云庖犧氏蛇身人首大庭氏
人身牛頭女媧氏亦蛇身人頭秦仲衍鳥身人面夏

禹生於東夷文王生於西羌簡狄吞鸞卵而生契伯
禹剖母胸而出伊尹託自空桑元氏魏主亦生夷狄
並應天明命或南面稱孤或君臨萬國雖可生處僻
陋形貌鄙麤而各御天威人懷聖德老子亦託牧母
生自下凡何得以所出庸賤而無聖者乎夫子云君
子居之何陋之有信哉斯言也僉曰有道則尊豈簡
高下故知聖應無方隨機而見尋釋迦文祖禰蓋千
代輪王之孫刹利王之太子期兆斯赴物感則形出
三千世界之中央南閻浮提之大國垂教設方但以
利益眾生爲本若言生在羌胡出自戎虜便爲惡者

太昊文命皆非聖人。老子文王不足師敬。○按地理志西域傳言西胡者。但是葱嶺已東三十六國。不關天竺佛生之地。若知而妄說。何罪之深。若不知浪言。死有餘責。○一答庖犧已下二十九代。父子君臣立忠立孝。守道履德。稟華夏正氣者。對曰。史記淮南眾書等云。黃帝時出蚩尤銅頭鐵額。作亂天下。與黃帝戰于阪泉。以登帝位。蚩尤逆命。復戰涿鹿之野。凡經五十二載。○顓頊時。其公作亂。頭觸不周山天柱。折地傾危。顓頊又誅三苗於洞庭。又彭蠡汲冢竹書云。舜囚堯於平陽。取之帝位。今見有囚堯城。舜又與三

苗戰於丹水之浦。堯上射九日落其烏羽。

楚詞十日化出流金

石鑠大鳳於青丘。斬脩蛇於洞庭。戮封豕於大澤。殺九嫫於泗水。尚書云。洪水滔天。懷山襄陵。黎民阻饑。百姓昏墊。禹時。百姓各自其心。而栢谷子退耕於野。三苗不修德政。禹親滅之。夏桀之居。左河濟右太華。伊闕在其南。羊腸背其北。焚皇圖。殺龍逢。囚成湯。縱妹喜。修政不仁。湯放滅之。湯凡九征七十二戰。大旱七年。江河枯竭。流金鑠石。高宗伐鬼方三年。殷紂辛迷惑妲己。恣十惡之害。流五虐之刑。剖賢人之心。刳孕婦之腹。囚文王禁箕子。周武王伐紂於牧野。血流

象牙記卷一
四
漂杵誅之鹿臺。王親射紂，躬懸頭太白之旗，而夷齊非之，不食其粟。孔子曰：武盡美矣，未盡善也。武王之世，三監作亂，成王之日，二叔流言。宣王六月出征，詩云：薄伐獫狁，至于太原。采薇遣戍，役云：北有獫狁之難，西有昆夷之患。采芑又云：宣王南征，對曰：上來所道，並是三皇已下三王之時，必能守道履德，懷忠奉孝。爾時無佛，足可清平。何爲世世興師兵戈不息，至於毒流百姓，殃及無辜，乃爲姚石慕容永嘉之世，豈名蕩蕩無爲之時邪？見失言一何謬矣。一答秦仲已下三十五世六百餘年者，對曰：史記云：自殷已前，諸

侯不可得而譜，爲多失次第，年代難知。故尚書但以甲子爲次第，而無年月者，良爲史闕不記也。邪見乃始於秦仲，迄于二世，有六百餘年者，一往似長。出何明證？按春秋已前，秦本未有。春秋已來，始有秦伯。當春秋時，秦雖漸霸，但是周之小邑。孝王之世，命非子牧馬於汧渭之間，不承天命，未有正朔。曾孫秦仲宣王之世，始受車馬侍御之臣。仲孫襄公以送平王東遷，進爵爲伯。文公已下，始見史記。自茲訖滅，不過二百餘年。史記竹書及陶公年紀，皆云秦無曆數。周世陪臣，故隱居列之在諸國之下，何因得有年紀，續至

胡亥。史記但從厲公列之。一百一年終乎二世。縱有年代皆附春秋。自無別記。赧王之末。秦昭襄王。因周微弱始滅周國。僭號稱王。諸史相承。秦唯五世四十九年。齊秘書楊玠史目云。秦自始封至滅。凡三十五世六百餘年者。蓋取始封秦號。經六百餘年。非統霸中國經多年也。邪見乃延秦短祚。冒上長年。一何虛妄哉。○一答帝王無佛則大治年長。有佛則虐政祚短。自庖犧已下。爰至漢高二十九世。君明臣忠者。對曰。夫理貴深據。言資實錄。何故庖犧獨治不及子孫。堯舜二君。位居五帝。堯則翼善傳聖。舜則仁盛聖明。

如尚書之典論。其化民治道。功業最高。民無能名。則天之明君也。堯又廢兄自立。其子丹朱不肖。舜則父頑母嚚。並止一身不能及嗣。爾時無佛。何不世世相傳。遽遭磨滅。隱居年紀云。夏禹治九年。羿篡十五年。浞篡十二年。夏皋十一年。夏發十二年。對曰。書云。舜禹之有天下。巍巍乎其有成功。煥煥乎其有文章。大禹謨云。禹能卑宮室。菲飲食。皂帳絺衣。而盡力於溝洫。爲民治水。於民有功。若皇天輔德。何爲天祚不永。治止九年。勘年紀云。夏后相及少康之世。其臣有窮羿。篡浞及風夷。淮夷。黃夷。斟尋等國。並相次作亂。凡

二十六年。篡夏自立。當時無佛。篡逆由誰。殷湯治十三年。太丁治三年。仲王治四年。太甲治十年。沃丁治十三年。太戊治十年。外壬治三年。沃甲治四年。盤庚治九年。小辛治七年。對曰。湯仁不殺。開三面之網。放夏桀於鳴條。甚有仁德。爾時無佛。何以天曆不長。太丁外壬其年轉促。尙書云。湯行九伐。太甲五征。伊尹立湯。次子勝又立。勝弟仲壬又放太甲于桐宮。汲冢書云。伊尹自篡立。後太甲潛出。親殺伊尹。而用其子。既稱忠朴之世。爾時無佛。何爲豐起。蕭牆君臣無道。周武王治十一年。懿王治三年。絕嗣。僖王治五年。絕

嗣。頃王治六年。匡王治六年。元王治八年。烈王治七年。靜王治六年。貞王治八年。悼王治一百一日。哀王治三月。思王治五月。對曰。武王伐紂。師渡孟津。白魚入舟。應天嘉命。諡法曰。剋定禍亂曰武。民賴來蘇。軾閭封墓。休牛牧馬。治致太平。汝言無佛年長。何因祚短。武王治十一年。懿王僖王更復絕嗣。○一答。佛未出前世無篡逆者。對曰。何故。周烈王弟顯王篡位。四十八年。悼王立一百一日。爲庶弟子朝所害。敬王弟哀王治三月。思王外哀王弟治五月。思王殺哀王。考王復殺思王。三王共立一年。出楊玠史目秦五世六

君四十九年。昭王五年。注滅周後始稱王在位五載。孝文王式一年。襄王楚三年。始皇政三十七年。胡亥三年。殤帝子嬰四十六日。對曰。周顯王五年。秦穆公始霸。三十四年。秦權周政。竹書云。自秦仲之前本無年。世之紀。陶公並云。秦是篡君不依德政。次第不在五運之限。縱年長遠終非帝王。以短爲長。指虛爲實。有何意見。秦時北築長城。備胡人僞殺扶蘇。矯立二世。陳勝蟻聚作亂。關東漢時匈奴入塞。烽火照甘泉宮。南越不賓。乃習水戰。漢高祖在位十二年。惠帝七年。文帝高祖第四子。非嫡武帝本膠東王景帝第六子。

非嫡孝景帝時吳楚等七國皆反。昭帝崩立兄子昌邑王。卽位二十七日。凡有一千一百二十七罪。霍光廢之。後立宣帝。此時無佛。何爲乃爾。後漢凡十二帝。一百九十五年。光武三十三年。孝明十八年。章帝十三年。和帝十七年。安帝十九年。順帝十九年。桓帝二十一年。靈帝三十一年。獻帝三十年。對曰。後漢書云。光武撥亂反正。明帝致治昇平。民無百里之憂。吏無出門之役。麒麟入囿。神鳳栖桐。赤雀文龜。蒼烏白鹿。嘉瑞備臻。兆民胥悅。垂洎汨。磅礴之恩。布通天。滿泉之澤。論衡等書並云。後漢徵祥。不慙周夏。汝言有佛。祚

短何故年長。○隱居云。自魏黃初元年。至蕭齊之末。凡二百八十二歲。拓跋元魏十七君。合一百七十九年。爾時佛來何故年久。奔云。西域胡旦末國兵三百二十人。小宛國兵三百人。戎盧國兵三百人。渠勒國兵三百人。依耐國兵三百五十人。郁立師國兵三百三十一人。單相國兵三十五人。孤胡國兵四十五人。凡八國胡兵。合有一千八百九十一人。皆得紹其王業。據其土地。自相征伐。屠戮人國。況今大唐僧尼二十萬眾。其結胡法。足得人心。甯可不預備之哉。對曰。檢漢書西域傳云。旦末國小宛等八國。並是葱嶺已

東漢域胡國。計去長安不過萬里。本非天竺佛生之地。又無僧尼在中謀叛。縱彼造惡。何關此僧。但奔狂鬼入心。外興邪說。虛引往事。假謗今賢。達者知其浪言。愚人必生異見。惑亂朝野。深可痛哉。○一答佛來漢地。有損無益。人家破家。入國破國。漢明之世。佛法始來者。大唐聖朝。正信君子。論曰。諸佛大人。遊涅槃之妙苑。住般若之真空。不可以言像求。不可以情慮揆。形同法性。壽等七虛。但應物現身。如水中月。所以瞿師見三尺之貌。羅漢覩丈六之容。大滿虛空。小入絲髮。隨緣應質。化無常儀。尋釋迦之肇。依後漢郊祀

晉魏等書及王儉史錄費長房三寶錄考校普曜本
行等經並云佛是周時第十五主莊王佗九年癸巳
之歲四月八日乘旃檀樓閣現白象形從兜率下降
中天竺國迦毗羅城刹利王種淨飯大王第一夫人
摩耶之胎至十年甲午二月八日夜鬼宿合時於嵐
毗園波羅樹下從摩耶夫人右脇而生放大光明照
三千世界瑞應經云沸星下現侍太子生本行又云
虛空無雲自然而雨左傳云星殞如雨杜氏注解蓋
時無雲然與佛經等符合通儒以爲佛生時也十九
出家三十成道四十九年處世說法利益天人度脫

羣品至周匡王四年壬子二月十五日夜於拘尸城
入般涅槃自滅度已來至今大唐武德五年壬午之
歲計得一千二百二十一歲滅後一百一十六年東
天竺國有阿育王收佛舍利役使鬼兵散起八萬四
千寶塔遍閻浮提我此漢地九州之內並有寶塔育
王起塔之時當此周敬王二十六年丁未之歲也塔
興周世經二十王至秦始皇三十四年焚燒典籍育
王諸塔由此淪亡佛家經傳靡知所在如釋道安朱
士衡等經錄云始皇之時有外國沙門釋利防等一
十八賢者資持佛經來化始皇始皇弗從遂囚禁防

等夜有金剛丈六人來破獄出之。始皇驚怖，稽首謝焉。問曰：雖有此說，年紀莫知，以何爲證？請陳其決也。答曰：前漢成帝時，都水使者光祿大夫劉向傳云：向博觀史籍，備覽經書，每自稱曰：余遍尋典策，往往見有佛經及著列仙傳云：吾搜檢藏書，緬尋太史創撰列仙圖，自黃帝已下六代迄于今，得仙道者七百餘人。向檢虛實，定得一百四十六人。又云：其七十四人已見佛經矣。推劉向言藏書者，蓋是始皇時人間藏書也。或云：夫子宅內所藏之書，據此而論，豈非秦漢已前早有經佛流行震旦也。尋道安所載一十二

賢者亦在七十之數。今列仙傳見有七十二人。按文殊師利般泥洹經云：佛滅度後四百年，文殊至雪山中，爲五百仙人宣說十二部經，訖還歸本土。入于涅槃。恆星之瑞，卽其時也。檢地理志：西域傳云：雪山者，卽葱嶺也。其下三十六國，先來秦漢，以葱嶺多雪，故號雪山。文殊往化仙人，卽其處也。詳而驗之，劉向所論可爲證矣。雖遭秦世焚除，漢興復出，所以荆楊吳蜀扶風洛陽有寶塔處，皆發神瑞具在。眾書依檢成帝鴻嘉三年歲在癸卯，劉向撰列仙傳明矣。故知周世佛法久來，生盲人云：有佛祚短實可悲矣。依

經律云。釋迦正法千年。像法千年。末法萬年。五千年已還。四眾學者。得三達智。證四道果。末法已去。猶披袈裟。勘周書異記云。穆王聞西方有佛。遂乘驊騮八駿之馬。西行求佛。因以禳之。據此而推。同齊時上統法師答高麗使云。佛是西周第五主。昭王二十四年甲寅歲生。至武德五年。得一千五百七十七年也。信穆王之世。法已東行。劉向之言。蓋爲明矣。又漢武鑿昆明池。得黑灰。問東方朔。朔云。非臣所知。可問西域胡人。後外國沙門竺法蘭來。因以事問。蘭云。是劫燒之餘灰也。方朔旣博識通人生知俊異。無問不酬。無

言不答。豈容不達逆記胡人。蓋是方朔久知佛法。當興聖人必降。故有斯對也。佛旣去世。阿難總持。一言不失。迦葉結集。羅漢千人。咸書皮紙。并題木葉。致令五百中國各共奉持。十六大王同時起塔。逮于漢世東流二京。所經帝王十有六代。翻胡梵本爲漢之言。相承至今。垂六百祀。是以佛日再曜。起自永平之初。經像重興。發于開皇之始。魏人朱士衡沙門。衛道安等。並爲紀錄。總其華梵道俗。合有一百八十二人。所譯經律戒論大小乘三藏雜記等。凡二千一百七十部。總有六千四百四十六卷。莫不垂甘露於八魔之

破牙記卷一
境流慧日於三有之中。汲引將來永傳勝業。教人捨
惡行善佛法最先。益國利人無能及者。汝言破家破
誰家。破國破何國。邪見豎子無角畜生。夙結豺心又
懷蠱毒。無絲髮之善。負山岳之差。長惡不悛老而彌
篤。乃以生盲之慮。忖度聖尊。何異尺鷃之笑大鵬。井
蛙不信滄海。可謂闡提逆種。地獄罪人。傷而憫之。故
爲論也。尋夫七十二君三皇五帝。孔丘李老。漢地聖
賢。莫不葬骨三泉。橫屍九壤。未有如佛舍利現瑞放
光。火燒不然。礎礎不碎。於今現在立試可明。且據此
一條足知佛法之神德也。震旦諸聖孰與爲儔。乃欲

毀而滅之事。難容忍。傷風敗俗。虧損福田。誑惑生民。
汗點朝廷。實可歎也。

沙門安世高譯一百七十部

沙門鳩摩羅什譯九十八部

沙門道安譯二十四部

沙門嚴佛調譯七部

沙門寶唱撰眾經目錄四卷譯一千四百三十三部

吳人支謙譯一百二十九部

晉人聶承遠譯三部

晉人聶道真譯五十四部

宋人謝靈運譯三十六卷涅槃經

北梁安陽侯沮渠京聲譯三十五部

元魏期城郡守楊銜之譯一部

元魏李廓撰眾經錄四百七十部

魏人萬天懿譯一部

齊竟陵文宣王蕭子良譯一十七部

齊人常侍庾頡譯一部

梁人木道賢譯一部

梁武帝注大品經五十卷

梁人表曇允撰論抄一部

梁簡文帝法集記一部二百卷

梁記室虞孝敬內要一部

隋人洋川郡守曇法智譯一部

右古來翻經人宋臨川康王義度撰宣驗記一部又

撰幽明錄一部

太原王琰撰冥祥記一部

瑯琊王巾撰僧史

齊竟陵文宣王造三寶記傳一部

齊著作裴子野撰高僧傳

淮南劉俊撰益部寺記

晉中書令郗景興撰東山僧傳

中書陸明霞撰沙門傳

治中張孝秀撰廬山僧傳一部

太原王延秀撰感應傳

吳興朱君台撰徵應傳

晉中書侍郎于寶撰搜神錄

彭澤令陶元亮撰搜神錄

道士陶隱居發菩提心禮佛文

道士陸修靜對沙門記

宋光祿顏延之庭詰文

齊隱士周顒撰三宋二帝論

周儀同甄鸞撰笑道論一部

隋成都費長房撰三寶錄

右古來博通君子識量王公尊敬三寶撰沙門記傳

者對曰此等先賢並皆翻譯佛經爲目錄記傳者悉

學窮稽右精諳內外信道俗之白眉爲羣英之稱首

咸遵敬三寶研味一乘棄世辭榮欽承勝軌邪見朋

黨一口不論一人不說太劇苦剋誹毀酷毒穢言自

保螢輝欲張蚊翼何殊朝菌之知晦朔蟪蛄之暗春

秋信其管窺輕忽大道足令洗耳安可言乎請付朝

官博通君子。檢內外典籍。明邪見人謬妄之罪。若言佛法來漢無益世者。對曰。按孔子周靈王時生。敬王時卒。計其在世七十餘年。既是聖人。必能匡弼時主。何以十四年中行七十國。至宋伐樹。至衛削跡。在陳絕糧。避桓魋之殺。漸喪狗之呼。雖歷聘諸侯。莫能見用。當春秋之世。文武道墜。君闇臣奸。禮崩樂壞。爾時無佛。何爲逆亂滋甚。篡殺由誰。孔子乃婉俛順時。逡巡避患。雖保妻子。終壽百年。亦無取矣。或發匏瓜之言。或興逝川之歎。然復遜辭於季氏。傷鳳鳥不至。河不出圖。及西狩獲麟。遂反袂拭面。稱吾道窮。雖門徒

三千。刪詩定禮。亦疾歿世。而名不稱。吾何以見後世矣。遭盜跖之辱。被丈人之譏。校而論之。足可知矣。若以無利於世。孔老二聖。其亦病諸。何爲訥其木舌。而不陳彈也。○一答。寺多僧眾。妖孽必作。如後趙沙門張光。後燕沙門法長。南京道密。魏文孝時。法秀。太和時。惠仰等。並皆反亂者。對曰。檢崔鴻十六國春秋。並無此色人。出何史籍。苟生誣枉。誑惑君王。請勘國史。知其妄奏。按前後漢書。卽有昆陽常山青泥綠林黑山白馬黃巾赤眉等。數十羣賊。並是俗人。不關釋子。如何不論。後漢書云。沛人道士張魯。母有姿色。兼挾

鬼道往來劉焉之家焉。後爲益州刺史。任魯爲都督義司馬。魯共別部司馬張修將兵掩殺漢中太守蘇固。斷絕斜谷。殺漢使者。魯既得漢中。又殺張修而并其眾。于時假託神言。黃衣當王。魯因與張角等相應。合集部眾。並戴黃巾。披道士之服。數十萬人。賊害天下。自據漢中。垂三十載。後爲曹公所破。黃衣始滅。爾時無一沙門。獨饒道士。何默。不論。然漢魏名僧德行。者眾。益國甚多。何以不說。但能揚惡。專論人短。豈是君子乎。魏志曰。張魯。字公期。期祖父陵。客蜀學道。在鵠鳴山中。造作道書。以感百姓。從受道者。出米五斗。

世號米賊。陵死。子衡傳業。衡死。魯復傳之。陵爲天師。衡爲嗣師。魯爲係師。自號三師也。素與劉焉善。焉死。子璋立。以魯不順。殺魯母及家室。魯遂據漢中。以鬼道化民。符書章禁爲本。其來學道。初名鬼卒。受道用金帛之物。號爲祭酒。各領部眾。眾多有名。治頭有病者。令首過。大都與張角相似。後漢皇甫嵩傳云。鉅鹿張角。自稱大賢。即師奉事黃老。行張陵之術。用符水呪言以治病。遣弟子八人。使於四方。以行教化。轉相誑惑。十餘年間。眾數十萬。自青徐幽冀荆楊兗豫八州之民。莫不必應。遂置三十六方。方猶將軍之號也。

大方萬餘人。小方六千人。訛言蒼天死。黃天當立。歲在甲子。天下大吉。以白土書京邑寺門。皆作甲子字。中平元年三月五日。內外俱起。皆著道士黃巾。或殺人祠天。于時賊徒數十萬眾。初起潁川。作亂天下。並為皇甫嵩討滅。南鄭反漢而蜀亡。事在魏書孫恩習仙而敗晉。事在晉書道育醮祭因而禍宋。事在宋書于吉行禁殆以危吳。事在吳書公期學仙而誅家。事在華陽國志陳瑞習道而滅族。事在晉書魏華叛夫。事在靈寶經序張陵棄婦。事在陵傳子登背父衛叔去兒。出神仙傳右古來道士破國破家為逆亂者。對曰。自陵三世專行鬼道符書章醮。出自道家。焚

妖孽妄談吉凶。奸由此起。然吳魏已下。晉宋已來。道俗為妖數亦不少。何以獨引眾僧。不論儒道二教。至如大業末世。王充李密。建德武周。梁師都。廬明。因李軌朱粲。唐弼薛舉等。亦是俗人。曾無釋氏。何為不道。事偏理曲。黨惡嫉賢。為臣不忠。明矣。○奔云。自開闢已來。至今武德四年辛巳。積二百七十六萬一千一百八歲。父子君臣立忠立孝者。對曰。汝云庖犧氏凡三十世。治二萬二百九十七年。少昊至漢高有三千二百一十一年。從庖犧至漢高二十九代。計之不過二萬三千四百九十八年。何因爰自開闢。迄之武德四年。

頓有二百七十六萬餘歲耶。勘帝系譜云。天地初起。狀如鷄子。盤古生其中。經九萬年。次三皇及燧人氏。治二萬二百九十七年。按齊祕書楊玠史目云。伏犧元年甲寅。至開皇元年辛丑。有六萬一千六百八年。總而言之。一十七萬一千九百五年。校此而論。太懸殊矣。請勘年紀定其脩短也。檢正史所載。伏犧氏始畫八卦。陳甲子造書契。乃有年世。庖犧已前。本無紀歷。進退何依。○弈云。請胡佛邪教。退還西域。凡是僧尼。悉令歸俗者。對曰。周莊云。六合之內。聖人論而不議。六合之外。聖人存而不論。老子云。域中有四大而

道居其一。考詩書禮樂之政。但欲攸敘彝倫。明忠烈。孝慈之先意。在敬事君父。縱稱至德。唯是安世治民。假令要道。不出移風變俗。自衛返魯。詎述解脫之言。六府九疇。未宣究竟之旨。及養生濟物之談。龍圖鳳紀之說。亦可懷仁抱信。遵厲鄉之志。刪經贊象。肆闕里之文。次曰九流。末曰七略。按前漢藝文志所紀。眾書一萬三千二百六十九卷。莫不功在近益。但未暢遠途。皆自局於一生之內。非迥拔於三世之表者矣。遂使當現因果。理涉旦而猶昏。業報吉凶。義經秋而未曉。故知道遙一部。猶迷有有之情。道德二篇。未入

空空之境。斯乃六合之寰塊。五常之俗暮。詎免四流
浩汗。爲煩惱之場。六趣諠譁。造塵勞之業也。原夫實
相杳冥。逾要道之要。法身凝絕。出玄之又玄。唯我大
師體斯妙覺。二邊頓遣。萬德俱融。不寂不喧。安能以
境智求。非爽非昧。豈可以形名取。爲小則小而無內。
處大則大而無垠。故能量法界而興悲。揆虛空而立
誓。所以現生穢土。誕聖王宮。示金色之身。吐玉毫之
相。布慈雲於鷲嶺。則火宅火銷。扇慧風於鷄峯。則幽
途霧卷。行則金蓮捧足。坐則寶座承軀。出則帝釋居
前。入則梵王隨後。左輔密迹。以滅惡爲功。右弼金剛。

以長善爲務。聲聞菩薩儼若侍臣。八部萬神森然翊
衛。演涅槃則地現六動。說般若則天雨四華。百福莊
嚴。狀滿月之臨滄海。千光照曜。猶聚日之映寶山。師
子一吼。則外道摧鋒。法鼓暫鳴。則天魔稽顙。是故號
佛爲法王也。豈得與衰周迦葉比德。爭衡末世儒童。
輒相連類者矣。是以天上天下。獨稱調御之尊。三千
大千。咸仰慈悲之澤。然而理趣深遠。假筌蹄而後悟。
教門善巧。憑師友而方通。統其教也。八萬四千之藏。
二諦十地之文。祇園鹿苑之談。海藏龍宮之旨。玉牒
金書之字。七處八會之言。莫不垂至道於百王。扇玄

風於萬古。如語實語。不思議也。近則安國利民。遠則
超凡證聖。故能形遍六道。教滿十方。實爲世界福田。
蓋是蒼生歸處。於是敬信之侶。猶七曜之環北辰。受
化之徒。如萬川之投巨海。考其神變功業。利益天人。
故無得而名也。旣滿恆沙之因。故得常樂之果。善矣
哉。不可測也。但以時運未融。遂令梵漢殊感。所以西
方先音形之奉。東國暫見聞之益。及慈雲卷潤。慧日
收光。乃夢金人於永平之年。覩舍利於赤烏之歲。於
是漢魏齊梁之政。像教勃興。燕秦晉宋已來。名僧間
出。或畫滿月於涼臺之側。表相輪於雍門之外。逮河

北翻辭漢南著錄。道興三輔。信洽九州。跨江左而彌
殷。歷金陵而轉盛。渭水備逍遙之苑。廬岳總般若之
臺。深文奧旨。發越來儀。碩學高僧。蟬聯遠至。暨梁武
之世。三教連衡。三乘並驚。雖居紫極。情契汾陽。屏酒
肉而撤饗。人熏戒香。而味法喜。恐四流難拔。躬以七
辯之能。將乃輕袞飾。而御染衣。捨雕輦。而敷草座。於
時廣創慧臺之業。大啟寶塔之基。注梁記云。東臺西
府。在位八十餘年。都邑大寺七百餘所。僧尼講眾常
有萬人。討論內典。共遵聖業。孜孜無倦。各厭世榮也。
遂令五都豪族。馱冠冕而歸依。四海名家。棄榮華而

入道。自皇王所居之土。聲教所覃之域。莫不頂禮迴
向五體歸依。利物之深其來久矣。孔子垂化。安能以
競。按三十六國春秋。高僧名僧。牟子等記傳。始後漢
明帝永平十年已來。佛法東流。政經十代。年將六百。
其名僧大德。世所遵敬者。凡二百五十七人。傍出附
見者。及燕趙王公齊梁卿相等。凡二百五十一人。合
五百八人。陳其行業。大開十例。一曰譯經。二曰解義。
三曰神異。四曰習禪。五曰明律。六曰遺身。七曰誦經。
八曰興福。九曰經師。十曰唱導。此等高僧。皆德効四
依。功備三業。法傳震旦。實所賴焉。邪見隱而不論。但

說三五惡者。夫雪山之內。本多甘露。亦有毒草。大海
之中。雖有明珠。亦饒羅刹。喻崑山缺於片石。鄧林損
於一枝耳。何可爲怪也。譯經沙門第一。五十二人義學沙
門第二。九十九人神異沙門第三。二十二人習禪沙門第四。十二人明律沙門第五。十二人遺身沙門第六。十一人誦經沙
門第七。二十二人興福沙門第八。四十一人經師沙門第九。十一人唱導沙門第十。十人此等沙門。或踰越沙險。汎漾洪
波。皆能委命。弘經亡形。徇道。或以神力救世。或以異
迹發人。或慧解開矜。或通感適化。安禪湛慮。則功德
如林。業行清高。則冰霜彌潔。樹興福善。則冥衛可祈。

石牙記卷一
諷誦法言則幽顯沾慶。於是三藏四含功用遂廣。方
等般若取信尤多。但神化所該無遠必屆。葱河由跬
步之間。聲光有見聞之限。豈非時妙也。及緣運將感
像教遐通。或號曰西域大神。或稱爲浮圖之主。所以
摩騰杖策而來儀。法蘭懷道而降德。什師碩學鉤深
神鑑奧遠。及遊中土備悉方言。受學者三千。入室者
八俊。生融景獻嚴觀恆肇。皆領悟前言。辭芬蘭桂。執
筆承旨。任得其人。晉有道安擅名當世。質學圖澄傳
業慧遠。門人日盛。世不乏賢。足使陳郡謝安推其神
俊。襄陽習郁屈我彌天。自晉惠蒙塵懷敏遷播。羯胡

縱毒寇蕩中州。劉曜篡虐於前。石勒僭凶於後。華夏
分崩。人民塗炭。聖師佛圖澄憫傷殺之方始。慮刑害
之未央。遂設神化於葛陂。示懸記於襄鄴。藉祕呪以
濟命盡。因香氣而拔臨危。占鈴映掌。坐定吉凶。終令
二石發心。四民免害。澄傳云。澄在漢地二十五年。所
歷郡縣興立佛寺八百九十三
所。年一百一十七歲。亡當石氏凶強虐害無道。若不
與澄同日孰可言乎。百姓危亡得存性命者不可稱
紀。及百足臨刃不傷。遺法爲之更始。志上分身員戶。
帝王以之加信。具諸史籍。其可詳乎。莫不功被將來。
傳燈永劫。議者僉曰。僧乃紹隆聖種。佛則冥衛國家。
福蔭皇基。必無退廢之理者也。我大唐之有天下也。

應四七之辰。安九五之運。扶濟世之德。越湯武而獨彰。夷凶撥亂之功。逾漢魏而孤顯。蕩蕩一巍巍乎。難以揄揚者矣。加以留情佛法。降意玄門。造像書經。度僧立寺。種種功德。處處檀那。利益華戎。汲引黎庶。方欲興上皇之風。開正覺之道。茂茲五帝。跨彼三王。治致太平。永隆淳化。上來邪見。所述穢言。並是天地之所不容。人倫之所同棄。恐塵黷聖覽。不足可觀。伏惟陛下。布含弘之恩。垂鞠育之惠。乞審其逆順。議以真虛。涅槃經云。佛滅度後。法付國王。陛下君臨正當。付囑。伏願杜其邪說。使像教興行。博雅君子。四海通人。

聞之。乃其扼腕指掌。盱衡而作論云。爾孟子有言曰。余豈好辯哉。余不得已也。夫虛妄顯於真實。錄亂於僞。世人不悟是非。不定朱紫。雜廁瓦玉。參糝糠米。以情言之。豈予心所能忍也。孔子曰。詩人疾之不能默。丘疾之不能伏。是以論也。夫玉亂於石。人不能別。是反爲非。虛轉爲實。安能不言乎。考王者之降靈也。或流星貫月。或長虹繞電。或赤雀銜書。或素靈夜哭。帶龍雲之氣。含奇異之像。皆有天命。非由人也。或問曰。何周通其歷。秦不及期。答曰。夫冥理難知。人情易惑。校其指歸。略詳之矣。何者。昔宋景修德。守心便退。丁

蘭篤孝木母舒顏。但使專精嘉祥可致。必能潔已災禍自亡。信哉斯言也。觀夫文武成康之世。治道隆平。蓋積善所資。福鍾來葉。所以通歷也。始皇在位。焚書坑儒。酷毒天下。逮于二世。誅戮更甚。生民寒心。手足無措。上天降禍。故不及期也。易曰。不善之家。必有餘殃。此之謂矣。故知興滅之理。非關力能。咸稟先因。頗由行善。信爲明證也。近如周武。錯見毀寺廢僧。不盈幾時。後嗣磨滅。竊見隋文皇帝初生。卽有神尼撫養。後爲實禪師。觀見當爲霸王。及其卽位。普興佛法。大度僧尼。四部誦誦。三學濟濟。安心行道。以報國恩。登

卽漸息于戈日就。豐樂嘉祥。靈應史不絕書。四海晏安。六合同慶。後封禪岱嶽。世致太平。至煬帝屏除寺塔。流擯僧尼。繕造奢華。萬事過度。天乖海外。親自征行。禍及無辜。殃鍾身世。見前可驗。何待將來。論衡云。俗儒好長古而短今。言瑞則渥前而薄後。不非古之虛美。而責今之實論。信久遠之僞詞。忽近今之實事。不知指馬之妄。而競儒墨之談。膏肓之病。固難治矣。觀夫釋氏之爲教也。大矣哉。包羅三世。囊括四流。方萬像之列。太空譬八河之歸。滄海至乎博。尋子史。覓覽經誥。六宗七廟之典。五玉四望之儀。丹笥金版之

文名山石室之記。玉檢芝泥之冊。雲臺麟閣之書。清
分濁泮已來。鳥跡書契之後。赫胥栗陸之曠。天皇人
帝之前。斗杓之所爲。臨輪鳥之所暉。浸地與迥。邈天
角遼長。補鰲折柱之靈。刊山划海之異。立功立德之
道。一陰一陽之言。禾黍藥石之所基。衣裳宮室之所
肇。恭玄祀黃之典。五禮六樂之制。勛揖華讓之則。湯
征武伐之威。金縢零雨之翁。泣麟傷鳳之叟。莫不事
極寰中而理盡域內者也。豈知上界縈二死之患。下
方抱三塗之憂。苦海漂淪。愛河綿遠。是以大悲出世
導彼生盲。開八正之門。闢五乘之路。宣忍服戒珠之

旨。啟優波木叉之規。遂使體施飛禽。驅投野獸。列國
都城。方之脫屣。嬌娥慢臉。棄似遺塵。正欲去此四蛇
息茲八苦。永斷生老病死。無復怨會愛離。一罷受形
長辭毒器。況復乘雲寶殿。號曰天宮。帶地珍臺。稱爲
淨國。八行玉樹。四照金樓。百味香餐。三銖輒服。動足
飛去。無煩列子之風。妙樂騰聲。詎勞蕭史之吹。故知
花鬟碧璫。暫暉於地府。琅枝珠藥。失彩於天津矣。夫
釋迦者。譯云能仁。言德充道備。堪濟萬物也。然法身
二義。一曰真實。二謂權應。真身謂至極之體。妙絕拘
累。不得以方處期。不可以形量限。有感斯應。體常湛

然應身者。積劫行因。億生求果。和光六道。同塵萬類。生滅隨時。脩短爲物。形由感生。體非實有。權形雖謝。法體不遷。但時無妙感。故莫得常見也。○世說曰。魯人尙不貴東家丘。邪見豈信有西方佛。根深難拔。悲夫。或者問曰。豈其然耶。請喻斯旨。論者對曰。子不聞乎。夫瞽者無以與乎文章之觀。聾者無以與乎鐘鼓之聲。蓋知十惡波浪。易動心源。萬善枝條。難抽意樹。良以凡夫顛倒。渴愛所燒。妄想攀緣。身心放逸。激五欲浪。漂二死河。常在黑闇崖下。無明波底。長夜睡眠。處於夢宅。莫醒迴天之醉。詎知迷亂之色。昏昏永劫。

役役偷生。乃復隨逐邪師。親近惡友。咆嘯狂象。放恣心猿。起六十二見之山。汎九十八使之海。耽湏行廁。戀著畫餅。扇入魔風。吹三毒火。縱六入賊盜。五陰城。不憂二鼠之危。恆與四蛇之怒。信其牛羊之眼。發其梟獍之凶。於是立我慢幢聲。自大鼓。翻覆毀譽之口。誇伐儒墨之談。反表爲裏。顛裳爲衣。破俗傷真。闖朋亂友。陵辱三寶。欺侮二親。輕忽冥祇。訶罵風雨。與鬼神爲讐隙。與骨肉爲怨憎。自矜自高。不仁不孝。恃其管見。愚謂指南。何異螻蛆之甘臭。帶鴟鴞之嗜腐。鼠以毒爲美。深可畏哉。靡慮將來之辜。不愁地獄之報。

嗟乎肆一言之禍。招萬劫之殃。致使沉滯幽陰。淪歷惡道。入銅狗銅蛇之網。居八寒八熱之城。鋸解磔磨。爐燒鑊煮。餐灰食火。噉雪吞冰。處處焦然。心心苦楚。百骸九竅。繚亂刀鋒。五臟四肢。紛披劍鏑。所以然者。皆由撥無因果。謗出世間。破和合僧。不信正法。邪見根深之所致也。況復捨身受身。常榮三界。從獄入獄。不離三塗。大聖觀已興悲。至人爲之流慟。故知善惡之理。如響應聲。報施之徵。似形逐影。可不慎歟。可不慎歟。○詔云。棄父母之鬚髮。去君臣之章服。利在何門之中。益在何情之外。損益二宜。請動妙釋。法琳聞

至道絕言。豈九流能辯。法身無像。非十翼所詮。但以四趣茫茫。漂淪欲海。三界蠢蠢。顛墜邪山。諸子迷以自焚。凡夫溺而不出。大聖爲之興世。至仁所以降靈。遂開解脫之門。示以安隱之路。於是利利王種。辭恩愛而出家。天竺貴族。歇榮華而入道。是以悉達太子。去袞龍之衣。就福田之服。誓出二種生死。志求一妙涅槃。弘道以報四恩。育德以資三有。此其利益也。按佛本行經。剃髮出家品。偈曰。

假使恩愛久共處

時至命盡會別離

見此無常須臾間

是故我今求解脫

於後慕其德者斷惡以立身。欽其風者潔已而修善。毀形以成其志。故棄鬚髮美容。變俗以會其真。故去君臣華服。雖形闕奉親而內懷其孝。禮乖事主而心戢其恩。澤被怨親以成大順。福沾幽顯豈拘小違。上智之人依佛語故為益。下凡之類違聖教故為損。懲惡則濫者自新。進善則通人感化。伏惟陛下至德含弘。仁心鞠育。爰復降情正法。留意出家。廣布慈雲。重興佛日。利益之道難得而稱。此即大唐帝業。慈被百靈。聖種洪基。惠流千祀。不敢輒以愚意輕測天心。謹課庸詞。略伸管見。塵黷御覽。伏深戰越。謹對

破邪論卷下終

音釋

涿	鹿竹	涿	繳	瘿	泃	汙	汙	汙	汙	汙	汙	汙	汙	汙	汙	汙	汙	汙	汙	汙
<small>鹿山名</small>	<small>竹角切</small>	<small>涿</small>	<small>戰略切</small>	<small>瘿於郢切</small>	<small>泃許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>	<small>汙許拱切</small>
狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊	狻猊
<small>狻猊虛檢切</small>	<small>狻猊北夷切</small>	<small>狻猊余準切</small>	<small>狻猊去已切</small>	<small>狻猊篇采切</small>	<small>狻猊苦田切</small>	<small>狻猊水名切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>	<small>狻猊汙汙切</small>
涿	繳	瘿	泃	汙	汙	汙	汙	汙	汙	汙	汙	汙	汙	汙	汙	汙	汙	汙	汙	汙
<small>鹿</small>	<small>竹</small>	<small>角</small>	<small>涿</small>	<small>戰</small>	<small>略</small>	<small>瘿</small>	<small>於</small>	<small>郢</small>	<small>汙</small>	<small>許</small>	<small>拱</small>	<small>汙</small>	<small>許</small>	<small>拱</small>	<small>汙</small>	<small>許</small>	<small>拱</small>	<small>汙</small>	<small>許</small>	<small>拱</small>
<small>涿</small>	<small>繳</small>	<small>瘿</small>	<small>泃</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>	<small>汙</small>
<small>鹿</small>	<small>竹</small>	<small>角</small>	<small>涿</small>	<small>戰</small>	<small>略</small>	<small>瘿</small>	<small>於</small>	<small>郢</small>	<small>汙</small>	<small>許</small>	<small>拱</small>	<small>汙</small>	<small>許</small>	<small>拱</small>	<small>汙</small>	<small>許</small>	<small>拱</small>	<small>汙</small>	<small>許</small>	<small>拱</small>

破邪論卷下

完

切獸
名也
螳
螂
子
力
切
子
魚
也
鵒
鳥
名
切
鏢
刀
各
切
鋒

浙江南潯鎮劉安濤敬刻

破邪論全部此書連圈計字式萬四千七百五十七

個合洋四十四元五角板架一張洋一元五角書

籤一條洋一角

總共計洋四十六元二角

光緒三十四年秋八月

揚州藏經院謹識

